

QUÆSTIO MEDICA,

QUOD LIBETARIIS DISPUTATIONIBUS

manè discutienda in Scholis Medicorum, die Iovis

30. Januarii.

M. JOANNE HAMON, Doctore
Medico, Præside.

An in tanta multitudine medentium pauci Medici?

I.

MEDICINA naturæ imitatio; Natura opus Dei. Ob vim rationis ab Autore iuditam, etsi absque ratione tam sapienter omnia administrat cum sui iuris est, ut nihil sapientius videri possit. Cum principia naturæ morbos curantis, medicinæ quoque principia sunt, idem cum natura facere conantis, quod eam solam facere viderit, fundamenta artis non dubia existimanda sunt & nutantia, sed tam firma ut leges medicinæ naturæ ipsius leges dici possint. Nec id mirum: quam enim in operibus suis constantiam à Deo natura accepit, hanc ipsam à naturâ diligenti quantum potest imitatione medicina mutuatur. Etsi enim quod natura sola facit id perfectius faciat, quam cum arte tanquam instrumento utitur, non aliam tamen viam tenet, quæ medicinæ firmitas est & omnis securitas. Habes in natura legem Dei; habes in medicina legem naturæ; quam sequendo Medicus non errantem errare non potest, cum iisdem præfidiis utitur quæ natura ad hominum salutem adhibere solita est. Si alia sit natura, alia quoque medicina sit: sed si una & eadem est, alius quidem remediorum usus esse potest; sed alia methodus, & alia medicina esse non potest. Necessitas quæ artes parit, ad vomitum naturam impulit, quem ipsa medicinam docuit, quæ naturam imitata ratione & doctrinâ præscripsit, quem illa prius absque doctrinâ sed doctè præscripserat, neque viam partis ipsius naturæ repugnantem tentasset nisi antea feliciter à natura tentatam. *Phlegmæ* qua humorum æstuantium omnem impetum nullum aliud remedium citius comprimit, naturæ magis quam artis inventum est. Non solum *diuresis* in viris, & fluxu tam utili hæmorrhoidum, ut alia taceam, sed etiam in altero sexu *diuresis* singulis mensibus refelluntur. Quid varices? tentamentum inane expellendi sanguinis, & conatus naturæ imperfectus nonne morbis pluribus sanandis inserviunt? quæ tamen utiles esse non possunt, quin maxime hujus remedii utilitatem probent. Si enim sanguinem loco moveri vel cum aliarum partium detrimento prodest, quanto magis si & commodiori viâ ac breviori efficacius educeretur. Quid certius quam naturam sub noxiarum humorum mole laborantem eorum exitu adjuvandam esse, cum natura idipsum faciendo, quid nobis faciendum sit, tam sæpè ostendat? quacumque viâ id potest exonerantem se, & in sudore ac ipsius transpirationis be-

²
 neficio præsidium quantentem (quæ sudorificorum & diaphoreticorum manifesta approbatio est) nonne Medici cum laude imitantur ? Quid cum tam multa morbi alvi profluvio sanentur, sine quo nulla satis certa curatio est, an jure Medicus arguetur qui viam à naturâ tam tritam sequi non dubitat, cum partes principes plures ad se exonerandum vias nactus sit, cum cerebrum præter glandularum ad-jacencium præsidium & commoditates oculis etiam ac auribus & ore ad excludendos humores noxios abutatur, cum parentes narium meatus non magis ad respirandum quam ad purgandum sortitus sit, hoc ipsum prudentem Medicum aîmonet, san-
 nitati maxime coarctariam esse *καταρρηκτική*, & in morbis præcipuum partium in quibus vite fons est & conservatio, sæpius esse purgandum, si nihil obstat, quam in aliarum partium morbis ; Quis aurium surditatem, & tam multa oculorum vitia, tam exiguarum partium, universâ totius corporis purgatione sanari debere crederet, nisi hoc à magistrâ naturâ fieri videremus ? Manifesta est utinam morantis utilitas, & liberis profluens, quod cum maximis morbis sanandis in-serviat, eadem hæc via ab arte, quæ à naturâ tentatur. Cum per varia exanthema-ta, innumeraque cutis seditates natura expellat, quod intus, nisi expelleretur, morum inferret, nonne ex hoc fonte hirudines, cucurbitulae, vesicatoria, & alia hujusmodi remedia prodierunt ? Quid cum morbos in remedia convertit, & ul-ceribus quæ sanari non poterunt, ad salutem totius corporis abutitur, nonne cau-
 teriorum utilitatem docuisse existimanda est, quæ constanti & non intermisso au-xilio præcipuarum partium infirmitatem sublevent, quod semper affluit, semper exhauriendo ? sed ne injuriâ & iniquitate calumniantur ars nobilissima violari possit gravissimum testimonium sumit à naturâ, cui adjutrix à Deo data est, & cui tam firmo nexu inhaeret, ut ab eâ separari non possit ; testimonium sumit à
 mirabili scientiâ prædicendi, quæ morborum evenus in futuri temporis obscuri-tate adhuc latentem, tanquam cernebantur oculis, clarè annuntiat ; testimonium Medicis qui vim illius magis perspectam habent, & illam certius in tot homini-bus, quos ab ipsius mortis faucibus eripit, experientur ; testimonium ab Aegris & imperitis, qui errando tacite alios admonere possunt ne similiter errent, & ipsi
 erroris calamitate viam ostendunt quæ sequenda erat à quâ imperitè recedentes
 lapsi sunt ut in artem peccando, veritatem tamen ipsius artis vel inviti com-mendare videantur ; testimonium à morbis, ranquam ab argumento peritiae & po-mendare sciantur ; testimonium ab aegris, si ve qui ab eâ salute auxilium non frustra petierunt, sive ab eis qui non petiere & quibus defuit ; testimonium ab inimicis qui periculosi contemptus non rarò poenas luunt ; testimonium denique ab inter-mo-rantia perpetuâ illius inimicâ, quæ tam multos occidit, quos sanctis & neces-sariis sobrietatis suæ legibus servare potuisset.

11.

SIC omnem artem moris quibusdam naturæ institutis & legibus constitutam & excoltam habemus, quarum si ratio habeatur nihil certius istis medicis velut fundamentis de quibus non magis, quàm de clarissimarum scientiarum principiis dubitandum cum non opinione sed naturâ consistit. Sed cum ab hac luce universalium principiorum, ad unumquemque sanandum descendimus, in magnâ sœpè obscuritate versâmur, & tenebris ram densis circumfandimur ut opinio nostra conjecturâ magis quàm ratione fulciatur. Interdum Dogmatici nequidem Empirici sunt, cum nec ratio obtenis, nec experientia inusitatis assulget: tunc Medici prudentia non festinanis, cum veritate appetita non possit, verisimilibus tantum conjecturis innititur, & naturæ non adiuvantis silentium quoddam maiori diligençiâ, & solertiori curâ emendare conatur; tunc ex præteritorum rectorum querit subsidium, & similitudines confectarum profuturas, à quibus, cum à naturâ non possit, apti tandem & utilis remedii indicationem innuenter. Ita nec in his raris medicina deficit, quin aliquod auxilium ægris suppeditet, &

sæpè cogitandi & meditandi patientia lucem quandam affert rebus obscuris, ita ut apertum remedium, quod inveniri non posse existimabatur, investigandi perti-
 nacia inveniretur. Si sui juris est natura, & ipsa curanti Medico prætere cernitur,
 prudenti Medico facilia sunt omnia, præsertim si exercitatio non desit: usus enim
 ratione & experientiâ comparatus optimus medendi magister est: sed nec inci-
 pientibus desperandum est, quibus si nec ingenium, nec scientia desit, quod exer-
 citati statim pervidere possunt, id quoque ipsi sæpius & diligentius rem secum
 versando assequuntur. Si verò parum abest quin natura vincatur & hosti cedat
 potentiori, si vires ita opprimantur ut extinctæ videri possint, diuturnâ cogita-
 tione & velut fixâ in naturâ & morbo ægotantis viam inveniet qua impedi-
 menta naturæ, vim illi inferentia, quibus velut catenis quibuldam victa teneba-
 tur, removeat, ut jam libera medicum adjuvet adjuvantem, donec utraq; vi,
 naturæ & artis morbus expellatur. Sed quod mirum est nec morbis insanabilibus
 deest medicina. Cum mori cedere cogitur, quæ universâ medicinâ potentior est
 & uni Deo cedit, facit certè ut lenius ægri moriantur, dolores, qui acerbissimi
 moris satellites aut potius tortores dici possunt sæpe mitigat, lenit vigilias, re-
 media adhibet non nocitura, quæ et si ægritudine inferiora ægrum saltem conso-
 lentur, & parte quadam molestiarum levant. Adde quod vitam, quam tueri non
 possunt, interdum longiorem efficiunt, ut ex iniquo certamine hoc saltem com-
 modi reportetur quod nihil omiserint quod fieri posset, & nihil fecerint (dum-
 modo arti eos deesse non contigerit) si postea acculentur quod non sapientem
 habeant excusationem, præsertim si modestius agant, ne quod necessitati naturæ
 mortalis tribui debet medicamentis periculosioribus tribuatur. Omnibus ergo me-
 dicina salutaris, sanos à morbis arceat, vim addit infirmis, morbos curat qui-
 cumque curari possunt, insanabilium furorem lenit & faciliorem exitum præstat
 morituris. Unde merito ars artium dici potest, omnes aliæ homini aut habitatio-
 nem, aut vestes aut alimenta tribuunt, divitias aliæ suppeditant, in aliis dignitas
 queritur aut quadam voluptas, & variarum subtilitatum inania oblectamenta,
 quibuldam hominum perniciēs comparatur, & quadam ars occidendi, sola me-
 dicina majus bonum & nobilius conservat, idque præstat quod aliæ omnes præ-
 stare non possunt. Efficiunt quidem ut homines commodius aut illustrius vivant,
 medicina ut vivant: Et cum sit vitâ nihil homini optabilius, cujus conservandæ
 causâ facile omnia relinquuntur, adeo ut miseram vitam morti etiam anteponan-
 tur, sequitur inter omnes artes & scientias nobilissimum quemdam locum medicinam
 obtinere, præsertim cum de nullâ aliâ tam clarè pronuntietur quod eam Deus
 creaverit. Uno verbo dici potest, quantum ad privatam cujusque hominis utilita-
 tem spectat, nulla arte inferiorem esse medicinam, sed si urbium & Provinciarum
 ratio habeatur, nobilissimas artes regendorum populorum, vincendorum patriæ
 hostium & administrandæ justitiæ, quâ solâ pax regnorum continetur medicinæ
 esse anteponendas, ita ut tamen fatendum sit, hos ipsos salutis publicæ defenso-
 res præstantissimæ artis defensione & cura iudicare.

I I I.

QUOT verò dotibus & quo virtutum apparatu instructum esse necesse sit,
 qui tantæ artis dignitatem sustinere velit vix dici potest quam perspicaci
 ingenio esse, & quam necessaria illa Galeni *ἀγνοια* scrutanti latebras naturæ & tu-
 tam viam investiganti per loca aspera, & prærupta, in quibus nulla via cerni-
 tur, quo judicio & prudentia instructus esse debet ut non abducatur à verisimi-
 libus conjecturis nec ratione fallatur, qua sæpe nihil aprius ad fallendum. Ut enim
 cum faciem præfert inter præcipitia ambulanti tam necessariam, multum prodest;
 ita qui se illi nimis credunt cum solitaria est, facile in errorem impelluntur.
 Quanta illi diligentia opus est ut adsit omnibus naturæ momentis, nec tempus
 breve prætervolantium occasio in inutile elabi sinat? Quanta patientiam exigat

4

ministrorum & astantium ~~varietate~~ varique errores agrorum; quos facile morbus reddit impatientes, qui non perversa assentatione, sed mansuetudine & patientia leniendi sunt? Errant certe qui solam in Medico requirunt scientiam, nec de patientiâ cogitant quæ prudentiæ maxima pars est. Scientia quam magna, & quam multarum rerum desideratur, quæ omnia elementa pervadat, & quicquid continetur universo terræ ambitu comprehendat. Quocumque nos veritatem remediums cingimur, sed latentibus quæ diligentius erui deberent quam aurum ex terræ visceribus, minus certe profuturum. Ut subtilior & inutilis aliorum cognitio minus in Medico desideretur, eorum tamen exortum & meliorum effectus non ignotos, quibus corpora varie afficiuntur, ab eo penitus ignorari turpe esset. Quanto studio res tam diversæ complectendæ sunt? Si desit laboris tolerantia, nemo altius assurgit, sed longe infra nobilissimæ artis maiestatem semper jacebit. Nulla fere pars medicinæ est quæ totum hominem non exigit; multis vitæ non sufficit, qui se vel partium corporis, vel remediorum scientiæ addixerunt, & adhuc multa superesse faciebuntur quæ non satis cognoscantur. Nulla quidem pars artis negligenda, cum nullum rerum genus avulsam à cæteris per se ipsum constare possit. Meminerimus tamen non ita hærendum esse in parte ut totius obliviscamur, non enim ab unaquaque parte seorsim cognominamur, sed ab universa arte Medici dicimur, iis inagis intenti disciplinis quæ magis ad sanandum necessariæ sint, cæteræ aut prætermittendæ, aut certe in iis non immorandum. Vix crediderim antiquis musicam Medico necessariam assententibus. Qui urgentur necessariis, quibus pares vix esse possunt, an onerandi superfluis, quæ & tempus breve infumunt, & mentem avocant, quæ totâ in re tam magnâ opus est, ut censet Aristoteles non desiderari in Geometra cognitionem alterius disciplinæ, ex qua peritior Geometra esse non possit; ita nec in medicinâ studium hominum salutis necessarium in res minus necessarias partiendum: Nec nimis rudem in philosophia esse oportet, nec nimis subtilem, cum subtilitate nimia sæpe aberretur, quæ longius immorantem abducit. Rarò subtilior Philosophus qui totus est in argumentando, bonus Medicus evadet. Ad sanandum vocamur, non ad argumentandum: quod etiam Medico instituendo necessarium esse possit in istis infantie adjumentis, & velut erumpendiis, non diu immorandum. Quamquam barbarum esse Medium & procius elinguem incommodum sit, facendum tamen nil minus Medico necessarium esse quam eloquentiam. Oratori quidem studium dicendi nisi accedat, eo nullum esse potest, medicina vero etiam in muto mirabilis esse posset. Socrates dicere solebat omnes in eo quod scirent satis esse eloquentes: certe non requirimus Medicum eloquentem, sed sanantem. Sed quod maxime necessarium, amet Medicus Agros, qui se illius fidei commiserunt, non tantum quod amore acuitur ingenium ad investigandum quod agro sit utilius, & ad majorem curam & diligentiam incitant, sed quod id multum valet ad conciliandam sibi ægotantis benevolentiam ægotanti tam necessariam ad provocandam obedientiam, ad devorandas ægritudinis & remediorum molestias. Curet ergo Medicus ut ametur, non tam ut ametur, quam ut sanet; in quo ægotantis utilitati consulit non suæ, quod verum sit nihil aptius esse ad sanandum quam diligi, si cætera non desint: nil magis cavendum quam ne contemnatur. Neque enim expectanda est obedientia contemnentis nec sanitas non obediens. Nihil ergo in Medico sit quod animum Agri offendant. Hippocrates & Galenus in eo tam religiosi fuerunt, ut vel incestus & vestium curam habuerint nec unguis ipsos & capillorum modum tanta diligentia præterierit. Levia hæc per se, sed non leve est, nihil in Medico reprehendi posse. Maximi vero momenti res est, quod Medicorum Princeps scripsit, *Medicum ab omni mercatura & externis negotiis alienum esse oportere*, ne à pulcherrimo opere curis alienis avocetur; non *curiosum* ne tempus salvandis hominibus debitum in foro & rebus certe superfluis & nihil agro profuturis infumatur; non *loquacem*,

sed potius taciturnum, quod fluxus verborum etiam mentis aciem obtundentium necessitatem in tantis rebus meditationem impediatur; *non avarum* ne pecunia amore totum ad se hominem rapiente à studio & ab utilitatibus ægri avocari possit, quibus nihil debet anteponere; *non in visum effusum*, nam hoc, præterquam quod levitatem significat, in Medico vitæ & mortis naturali iudice non ferendam, delectum quemdam humanitatis ostendit: turpe est enim & inhumanum eum qui in calamitate generis humani, cujus magnam partem morbi faciunt, semper versetur, tam parum affici aliorum dolore ut etiam immodestius rideat, quod neque ægris, neque amicis ægrorum placere potest. Non inirum vero si postea idem Hippocrates in Medico requirat *iudicium*, ut verisimiles & decipientes conjecturas, à verarum indicationum luce distinguat; *quietem*, ne de tantis rebus & vitæ hominis deliberanti, curæ inanes, & tumultuantium passionum strepitus obitare & officere possint; *scientiam*, ne fallatur; *virtutem*, ne fallat; *gravitatem*, ne contemnatur; *authoritatem* vitæ & morum laude comparandam, cui facilius obediat; *pudorem*, qui ipsa probitatis commendatione placet omnibus & semper prodest. *Medicorum ludicos sermones esse non oportet*; de alienis rebus ab arte raro loquantur; & si quandoque id convenire videatur, non prius quam de necessariis & letis rebus satisfecerint. Quid enim æquius, quam ut ægris de ægritudine loquantur, & inde sermonis argumentum sumant, quod necessarium sit & illis magis placeat meminere non decere ut quidquid de morbo cogitaverint id passim in obvios quosque effundant. Sed quid magis Medico religione & pietate necessarium, quæ ipsorum etiam Ethnicorum testimonio medicinæ tam insita est, ut ab ipsa arte doceri videatur. Errat vero Aræteus qui graviore morbo ope tantum divinâ curari posse existimat. Deus, quo curante nemo moritur, & quo non curante, nemo vivit, in magnis, & in levibus morbis regnat; nec propterea medicinæ auxilium excluditur. Quod sanat homo, sanat Deus, quo quidem nihil Medicis gloriosius esse potest, qui in tanti operis societatem veniant, & simul cum Deo medente medeantur.

I V.

UT hæc omnia habeantur, ad medicinam natum esse oportet. Nisi natura in futuro Medico prima artis fundamenta jecerit, si apta indole & ingenio careat, non magis illi medicinæ præcepta proderunt, quam si de agrorum cultu scriberetur sterilibus tetris; nec veto inuata illa velut semina multum prodesse, nisi omni studio & diligentia & optimis disciplinis excolerentur ad comparandam medicinæ scientiam, quæ usu ipso postea & exercitatione perficitur. Sola ratio aut sola experientia non sufficit. Nemo uno pede incedit, quin si unus superet alterum tutius claudicatio est: non minus utroque experientiæ & rationis pede universa medicina innititur. Titubantem sæpe rationem & non satis certam sustentet experientia, & experientiam minus oculatam lux rationis dirigat, ut absit errandi periculum quod sola experientia cavere non potest. Incipientem sæpius dubitare & omnia timere prudentiæ est, donec exercitatio contingat & quædam ex artis fiducia securitas. Medicorum congressus utilis & maxime prodest penitus se immergere in consuetudinem periti Medici, qui nutantem in artis operibus confirmet, & velut manu ducat ad scientiam sanitatis. Qualem & quantum consequentes ætates Hippocratem admirantur sunt, talem illum *opera artis* teste Galeno reddiderunt. Experientia optima magistra est. Nec vero experientiam nominaverim usum medendi imperitum, ex quo non major medendi scientia, sed major temeritas & periculosa audacia acquiritur. Medicorum libri peritis utiliores quam imperitis, Medicos non constituunt, sed multum adjuvant si natura non desit. Unam quod quisque esset expertus id tantum scripsisset omisiss aliis quæ aliunde reperi possunt; diutius esset medicina & brevior ad illam via sterneretur, facilius est Medicum aliquid ab imperito discere, quam à Medico imperitum cui iubetur

Ab his idcirco isepies. Aliorum certe Medicorum consilium non repudiabit. Non minus forte errabit qui omnibus credit, quam qui nemini. In vitâ tam brevi nemo tantam medendi scientiam assequi potest, ut aliorum inventis & experientiâ non indigeat, qua si destituatur sibi solus non sufficit. Antiquis maxime fidendum. In anatomicis recentiores magis exercitati. Quod Hippocratem & Galenum natuta docuit, id nos ipsi docuerunt, duo illa medicinæ lumina sibi consentientia tuto Medicus sequetur. Nec aspernanda clarorum in arte Medicorum sententia, dummodo meminerimus nullam adversus salutem ægrotantis auctoritatem valere posse. Mirum reperiri qui in tanta rerum ignorantia asserant nullas esse vires occultas. Talis scientia hominum omnia se scire opinantium ignorantia pejor. Naturâ non adjuvante omnis curatio inutilis, nec accusari debent qui medentur cum rerum vicia sint, non Medicorum. Ubi nihil naturæ est, nihil ab arte expectandum: aliquando tam valida est ut non solum morbi vim, sed etiam errorem superet adjuvare se gloriantium, & sola plus possit ad salutem quam medentis imperitia ad exitium: Aristisæ igitur scientiam semper ab exitu metiri non oportet, cum aliquando convalescant, qui male curati sunt, solius naturæ beneficio, & moriantur, quibus ars non desuit deficiente natura. Sed homines ad calumniandum proni illarum gentium consuetudinem non imitantur, apud quas sollemne est Imperatorem bello victum non minus laudare quam si vicisset, cum nihil omiserit ut vinceret. Sed eo Medicus innocentior quod medicinam sæpe oporteat finem suum non assequi in hominibus, ipsa naturæ necessitate morituris. Nil magis prodest quam summa periti Medici & ægri obedientis consensio, quæ si deest, nihil periculosius. Cum enim ægrum & Medicum junctis viribus adversus morbum pugnare oporteat, actum est de vita ægrotantis qui morbo favet mortem inferenti, & Medico sanare conanti resistit, cui obedire salus est obedientis. Sed ut ægrum obsequentem habeat in necessariis, in iis quæ multum nocere non possunt, illi interdum obsequatur. Nec reprehendi debet Medicus qui paulum se incedit exigendi industriâ. Nimia severitas inobedientiæ proxima. Cum ægro omnia negat Medicus, timendum est ne Medico omnia neget ægrotus, sed cum aliquid conceditur sola ægri non vero Medici utilitas spectanda est. Deum novit medicina, sed fortunam ignorat. Felicius in curando qui peritior est, qui majorem ad sanandum diligentiam adhibet, & propriæ opinionis non nimis tenax. Non parum laudandes est qui meliorem aliorum sententiam suæ præferat, qui minus bene sentientem amicum moneat, aut si etiam opus sit resellat sine acerbitate, & ipse reselli paratus sit sine iracundia. Non pudeat mutare sententiam, cum id ægro utile futurum est. Quis tanta de re quin varie secum disputet. Quando de vita hominis agitur diu deliberandum est & in perplexis occurrentium symptomatum difficultatibus diu cogitatione immorandum, ut utilis sententia, quæ forte properantem præteriret, eliciatur.

V.

UT ingenii acumine & judicio opus est ad dijudicandas morborum causas quæ occultæ sunt, & discernenda verisimilia tam sæpe fallentia à securitate veritatis: non minus illud requiritur ut ex tanta abundantia remediorum, in quibus multa inutilia & quædam etiam noxia reperiuntur, quæ congruentiora erunt & naturæ & morbo ægrotantis, eligantur. Medicus remediis non careat quæ sanandi sunt instrumenta, quod turpe esset. Sed adhuc turpius si remedia Medico carere contingeret. Non sola cognitione remediorum Medicus constituitur, sed magis utendi peritiâ: ut enim maximam copiam noverit, plura opinor & commoiori ordine in Pharmacopœorum officinis distribuuntur, quæ tam longe absumt ab arte. Tutiora remedia quæ non sæpius & à pluribus usupentur & natura remedii, & utendi ratio magis cognoscitur. Remedia admirabili quadam vi prædita diu occultari non possunt: quæ in lucem non erumpunt insir-

ma crediderim. Interdum imbecillitatis conscientia absconduntur. Accedit quod homines magis admirentur quod ignorant. Sed nihil ignorantie iudicio corruptus. Nec Medicus ægrum remedium multitudine obruat, nec etiam destituat paucitate. Nullum remedium nimis amet & nullum quod prodesset possit avertere. Dubia, & quæ satis comperta non habet, Galeni exemplum secutus prudenter omittat, & tanquam dubia prædicet; quæ vero optima expertus sit, libenter alios doceat. Aliud quam artem & ægros amare convincitur qui utile aliis remedium omnes celat. Optima lauder, famam detrahat nocentibus aut vi quam illis homines falsa opinione decepti tribuere solent carentibus. Sapientis Medici gravitate & constantia indignum est, aut falsum sentire, aut, quod non satis exploratè perceptum sit, sine ulla dubitatione defendere, utinam falsa prædicia pro falsis, vera pro veris, & dubia pro dubiis haberemus! Sed cum homines inventa à se remedia aut à se usurpari solita cæco quodam affectu nimium amant, falsa laudes veram & naturalem remedium vim occultant. Periculo non vacat, si effectus remedium rari pro usuratis aut usurati pro raris habeantur. Nec calorem semper aut frigus eriminari oportet tanquam causas morborum. Calidiora remedia efficacius interdum ignem calorem temperant quam frigidiora. Vinum in quo spes vitæ *estis* & *Calid* medicamentum utilissimum quamvis multis venenum sit. Nullum tam præclarum remedium quod proficit semper, nullum tam anceps aut infirmum quod aliquando non proficit. hæc omnia sita sunt in prudentia utentium & naturæ viribus quibus destituit quod vis remedium inutile. Antiquorum scientia sed non remediis cedimus. Vereor tamen ne in *imbecillitate* superemur. Consuetudinis ratio non habenda est in præscribendis remediis, quæ sola præscribere debet necessitas aut utilitas ægrotantis. Non magis usurpanda esset. venæ sectio si omnibus placeret, nec minus si omnes averfarentur, ne sit ista medicina temporum, non naturæ quæ medicinæ origo est. Qui vulgi opinioni faver, quod illi forsitan resistere non audeat, pessimum Magistrum sequitur, qui decipitur facile ob ignorantiam, & facile decipit, ob quandam autoritatis imaginem, quam in eos exercet, qui aliquid præferunt veritati. Quid præscribat Medicus, aut non præscribat, scientiæ res est, non voluntatis; non liberum est quod illi primum in mentem venerit, imperare. Non minus naturam consulere debet Medicus, quam æger Medicum. habet uterque quem sequatur, à cuius ductu si discedat, errandum est. Tutor ægrotum & sanitatis id tantum potest quod illis utile sit, non autoritate dominantis, sed consulentis modestiâ. Non semper Medico faciendum quod aliquando natura fecerit, sed tunc solum, cum id ipsa faceret, si non impediretur. Qui naturæ nutum ad viam suam propendentis accuratius observat, acutius perspicit, & diligentiùs sequitur, peritior Medicus censeri debet: illam si non audiat tacita quadam voce veram methodum indicantem, irritus naturæ conatus bene consulentis, culpa est Medici male obsequentis, nec amplius naturæ Discipulus & Minister dicendus est, sed adversarius & proditor. Non errabit qui universæ artis vim omnem magno quodam compendio duobus verbis complectetur *¶ sènti quibus*. In scientia propemodum infinita quædam ignorari possunt non semper necessaria, sed rem tam necessariam ignorari, cederet in medentis ignominiam, & periculum ægrotantis. Medici error medicinæ tribui non debet quæ semper magna est, etiam cum ministri non magni sunt, sive servata legum suarum constantia opponat se incompertentiæ peritæ voluntium, seu demittat se ad infirmitatem ægrotantium, non adulantis, sed sanantis affectu, seu remediis multis, seu paucis utatur sive validiora adhibeat seu leviora, eadem est nec mutatur in iis quæ sapienter mutat. Vera & unica illius lex, ad quam omnia refert, salus ægrotantium, certiora remedia suadet. venena damnat, & tam sapienter se gerit ut cum illis utitur remedia sint, quidquid in rerum natura cognoscitur, usurpat ad salutem, quod nondum cognosci potuit, prudenter investigat. Cum novi morbi à Deo immittuntur, ipsa Dei iustitiâ po-

pulos puniente utitur ad profectum suum, & inde fit doctior. Nullum fere sacculum est in quo novorum praesidiorum inventione non locupletetur, nihil illi deest praeter Ministros, quos non assumit, sed patitur. Agyrtæ, servi, mulieres, omne hominum genus illam invadunt. Cuilibet se professo Medicum statim creditur, & cum se tam difficiles Medicis exhibeant, facillimos se præbent, non Medicis, imperitis, & fallentibus, quibus nudum latus offerunt ultro ad ferendum. Sed isti officium medicorum ita usurpant ut nec Medici nominentur, & hoc illis prodest interdum non esse Medicis, ut à stultis facilius audiantur. Quot vero ex Medicis ipsi, nec ingenio, nec scientiâ, nec prudentiâ, nec laboris tolerantia tam necessarii ad comparandam scientiam commendabiles. Quamvis alia non deessent quocumque est qui inerti otio non delectetur. Quidam vel in minimis rebus pertinaces & vincendi studio tam importuni sunt ut à nemine sustineri possent: aliqui facile de sententiâ dimoventur, etiam verâ, & nimium flexibiles sequuntur quocumque alius ducere voluerit; alii sapientiorum consilio sapere non possunt utendi inscientiâ. Invenire est qui se solos Medicos periculoso errore existimant, ostentantes se admiratione sui solitariâ, quæ aliorum omni admiratione destituitur, contemnentes & contempti, quidam in superiores & fama celebres invidi & contumaces, in æquos & pares iniqui, in inferiores fastidiosi, nec sibi sufficere possunt ob imperitiâ nec ab aliis adjuvari ob superbiam. Quot ex illis naturæ fictis adiutoribus qui nec naturam noverint, nec remedia quibus adjuvetur, qui officia Medici ignorant, & ea implere non possent quamvis non ignorarent. Utinam minus bene concluderetur,

Ergo in tanta multitidine medentium pauci Medici!

Domini Doctores Disputaturi.

*M. Joannes-Baptista Doye. M. Franciscus Picoté de Bellestre. M. Raymondus Finot.
M. Urbanus Leauté. M. Nicolaus Bailly. M. Robertus Raoul.
M. Michaël Pichonnat. M. Ioannes Daval. M. Matthæus Thuillier.*

Proponebat Parisiis CLAUDIUS JOANNES-BAPTISTA DODART,
Parifinus Baccalaureus Medicus. A. R. S. H. 1687.

P A R I S I I S,

Apud Franciscum Muguet, Regis & Facultatis Medicinæ
Typographum.